

Tus Kab Mob Uas Siv Ntau Yam Tshuaj Mus Kho

Cov Ntaub Ntawv Tseeb Tiag rau Cov Neeg Mob, Cov Neeg Hauv Zo thiab Tsev Neeg

Multidrug-resistant organisms (Tus kab mob uas siv ntau yam tshuaj mus kho) yog dab tsi?

Multidrug-resistant organisms (Tus kab mob uas siv ntau yam tshuaj mus kho) (MDROs) yog cov kab mob los sis lwm yam kab mob uas tiv taus cov tshuaj tua kab mob los sis lwm yam tshuaj. Qhov no txhais tau hais tias tsis tuaj yeem tua cov kab mob tau los ntawm cov tshuaj tua kab mob los sis lwm yam tshuaj.

Qee hom MDRO muaj cov gene tawm tsam, uas tus kab mob tau ceev cov tshuaj tua kab mob los sis lwm yam tshuaj tsis pub tua nws. Cov gene no yog tsim los ntawm tus kab mob thiab tuaj yeem kis mus rau lwm tus kab mob tau. Qhov kev muaj peev xwm ntawm "kev sib kis" tawm tsam cov tshuaj tua kab mob yog ib qho laj thawj tias yog vim li cas kev ua cov kauj ruam los tiv thaiv kev sib kis ntawm MDRO thaum muaj ib tus neeg kis tus kab mob los sis nyob hauv lub cev yog qhov tseem ceeb.

Kev raug cov kab mob nyob hauv lub cev los sis kev kis kab mob MDRO txhais tau li cas?



Ib tug neeg uas raug cov kab mob nrog MDRO uas muaj tus kab mob nyob rau sab hauv los sis nraud lawv lub cev, tab sis nws tsis tau ua mob rau lawv. Cov kab mob no tuaj yeem nyob rau hauv tib neeg lub lab npaov plab zom mov los sis ntawm daim tawv nqajj tau ntev. Lawv tseem tuaj yeem kis MDRO rau lwm tus neeg tau txawm tias lawv tsis muaj mob los sij. Tus neeg uas raug cov kab mob no tej zaum tom qab yuav kis tau tus kab mob thiab mob.



Ib tug neeg uas kis tus kab mob MDRO yuav muaj MDRO nyob rau sab hauv los sis nraud lawv lub cev thiab nws ua rau muaj cov tsos mob xws li kub taub hau, raws plab, qhov txhab nti tawm, los sis qaug zog.

Cov neeg uas muaj kev pheej hmoo siab tshaj plaws ntawm kev nraug cov kab mob los sis kis tus kab mob MDRO muaj xws li:

- Kho mob ntau zaus los sis kev kho mob ncuaj sij hawm ntev.
- Cov cuab yeej siv kho mob uas nkag mus rau hauv lub cev (xws li txoj xaim ntxig los sis lub tshuab pab ua pa).
- Keeb kwm ntawm kev phais ntau zaus.
- Kev kho mob ncuaj sij hawm ntev.



Ib tug neeg yuav muaj MDRO ntev npaum li cas?




Nws yog ib qho nyuaj uas yuav paub tias ib tus neeg raug cov kab mob los sis kis tus kab mob MDRO tau ntev paum li cas lawm. Ntawm qee tus neeg, tus kab mob yuav ploj mus, tab sis nyob rau qee tus neeg, tus kab mob tuaj yeem nyob rau sab hauv los sis nraud lub cev, xws li hauv lub lab npaav plab zom mov los sis ntawm daim tawv nqajj tau ntev.

Cov neeg muaj MDRO puas tsim nyog kho?

Kev txiav txim siab kho yuav raug txiav txim los ntawm tus kws muab kev pab cuam kho mob ntawm tus neeg ntawd. Cov neeg uas raug cov kab mob uas tsis pom tus tsos mob ntawm kev kis kab mob no feem ntau lawm tsis tas yuav kho.

MDRO kis tau li cas?

MDRO tuaj yeem kis tau ntau txoj hauv kev, muaj xws li:

-  Ntawm txhais tes tus neeg ua hauj lwm kho mob, cov neeg tuaj saib los sis cov neeg hauv tsev neeg.
-  Los ntawm kev kov tau cov kua hauv lub cev, xws li tso zis, quav, kua paug, qaub ncaug los sis ntshav.
-  Los ntawm cov khoom los sis qhov chaw uas qias neeg, xws li qhov thaiv txaj, lub rooj nyob ntawm ib sab txaj los sis cov cuab yeej siv kho mob.

Kuv tuaj yeem tiv thaiv kev sib kis ntawm MDRO tua li cas?

Tu cev kom huv si. Ntxuav tes tom qab kov cov kua hauv lub cev, qhov chaw uas siv feem ntau thiab tom qab mus saib.



Siv tshuaj ntxuav tes.

1. Siv cov tshuaj ntxuav tes ntxuav kom huv ntawm tshais tes.
2. Muab ob txhais tes los sib txhuam ua ke kom npog txhua qhov chaw, suav nrog cov ntiv tes thiab hauv qab rau tes.
3. Muab ob txhais tes los sib txhuam ua ke kom qhuav. Qhov no yuav tsum siv sij hawm li 20 vib nas thi.

LOS SIS



Ntxuav koj sab tes kom huv si uas siv xab npum thiab dej.

1. Ob txhais tes ntub thiab siv xab npum.
2. Muab ob txhais tes los sib txhuam ua ke kom muaj npuas txhua qhov chaw nrog rau ntawm cov ntiv tes thiab hauv qab rau tes. Ua li no kom deb ntawm cov dej ntawm tus kais kom ntev yam tsawg li 20 vib nas thi.
3. Yaug tes kom huv hauv qab tus kais dej



Siv ceev kom faj. Kev ceev faj tshwj xeeb yog siv los tswj kev sib kis ntawm MDRO. Qhov no txhais tau hais tias cov neeg saib xyuas kev noj qab haus huv tuaj yeem siv personal protective equipment (cov cuab yeej tiv thaiv tus kheej), xws li ris tsho, hnab looj tes, los sis ntaub npog qhov ncauj thaum muab kev saib xyuas tus neeg uas muaj MDRO. Cov neeg saib xyuas kev noj qab haus huv yuav qhia yog tias ib tus neeg twg nyob rau qhov kev ceev faj thiab cov kauj ruam uas yuav tsum tau ua thaum los sis tom qab mus saib ib tus neeg uas nrog MDRO.

Ntxuav thiab tua kab mob. Qhov tseem ceeb yog ua kom huv si thiab tua kab mob ntawm daim tawv nqaij thiab cov cuab yeej siv kho mob kom tsis txhob kis tau. Cov neeg ua hauj lwm tu vaj tse yuav ntxuav lub chaw ntawm tus neeg ntawd txhua hnub siv cov khoom tu vaj tse uas tau txais kev pom zoo.

Where Kuv tuaj yeem nrhiav cov ntaub ntawv ntxiv ntawm MDROs nyob rau qhov twg?

- Hu rau koj tus kws muab kev pab cuam kho mob los sis pab pawg saib xyuas kev noj qab haus huv nrog cov lus nug txog MDRO.
- Mus ntsib Healthcare-Associated Infections (Kev Kis Kab Mob Uas Cuam Tshuam Txog Kev Saib Xyuas Kev Noj Qab Haus Huv) (HAI) nplooj vev xaib ntawm Lub Khoos Kas Tiv Thaiv MDRO (www.dhs.wisconsin.gov/hai/reportable-mdro.html).
- Mus ntsib nplooj vev xaib Centers for Disease Control and Prevention (Lub Chaw Tswj thiab Tiv Thaiv Kab Mob) ntawm MDRO hauv cov chaw kho mob (<https://www.cdc.gov/healthcare-associated-infections/>).

